

"Rosamelia"

"Rosamelia" è 'nu ricordo
che 'a nonna ce ha lassato
e io..... nun m' 'o scordo
pure si..... tempo è passato.

Ogni fatto è 'nu tassello
che rimmane dint' 'a storia,
ma, si 'o gesto è stato bello,
resta eterno..... int' 'a memoria

e accussì, chillo balcone,
cu duje core arricamat',
addeventa 'nu blasone
lungo tutta 'a cancellata

e 'a casa scarrupata
è turnata a nuova vita,
c' 'o restauro d' 'a facciata,
sempe in tufo rifinita

E 'a data 'e costruzione,
proprio antica comm' a cchè,
'a puo' legger'...int' a l' androne:
"mille ottocento e tre"

e 'o camino llà t'accoglie,
comm' fosse 'nu gigant',
e te fa venì 'a voglia
'e scarfa' a tutt' quant'

E 'o piazzale in pietra viva,
'ncatenato, bianco e rosa,
serve dint' 'a festa estiva
pe' te fa abballa'..... 'a sposa.

E si vai 'o piano 'e copp',
credi a me, che nun so' pazzo,
l'acqua arriva, senza intopp',
dint' 'o pozzo... d' 'o terrazzo

e guardann' 'o panorama,
ce vulesse' nu penniello
pe' pitta' 'ncopp' a 'na trama,
S. Michele..... e 'o Castiello.

Ma 'a sorpresa cchiù speciale,
grazie all'opera 'e Vitruvio,
è quann' arrivi... 'ncimm' 'e scale
e truov' 'a vista....d' 'o Vesuvio,

c' 'o profilo delicato,
che s' è impress' int' 'o cerviello
ed è stato replicato,
tale e quale, int' 'o canciello.

E l'insieme è 'nu piacere,
quann' 'e cose son' ben fatte,
e già 'e vedo...c' 'o pensiero,
Rosa e Amelia..... soddisfatte.

Cecco Gambizzato,